



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Series Actorvm Omnivm In Canonizazione Sancti Thomae
a Villanova, Cognomento Eleemosynarij**

Romae, 1658

Beatissime Pater.

urn:nbn:de:hbz:466:1-9857

Vaticanam per Plateam maiorem usque ad obeliscum, praecun-
te utroque Clero, qui per viam hinc inde dispositus stationes egit
usquequaque Sanctissimus cum Officialibus Cappellæ, familiaribus,
Prælatis, Cruce, Pœnitentiarijs, Episcopis, Cardinalibus & Prin-
cipibus solij deferentibus magnos cereos, Basilicam ingressus
esset, in qua Sanctitas sua ante Altaria Venerabilis Sacramenti,
& Apostolorum de more preces effudit, mox solium magnum
ascendit, & excepit Cardinales, Episcopos, Abbates, & Pœni-
tentiarios sacris vestibus indutos ad obedientiam, Cardinales,
videlicet, ad osculum manus, Episcopos ad osculum genu, Abba-
tes, & Pœnitentiarios ad osculum pedis.

Subinde accessit ad solium Cardinalis Barberinus senior Epi-
scopus, & sedet super nudum faldistorium in dextero solij la-
tere, & Cæmoniarum Magister Carolus Vincentius Carcara-
nus ante solij gradus duxit Eminentissimum D. Cardinalem,
Columnam Protectorem Regni Aragoniæ, & Valentiæ, à Ma-
iestate Catholica deputatum, ut eius nomine Sanctissimo suppli-
caret de Canonizatione B. Thomæ, qui habens à dextris Ad-
uocatum Consistorialem Marcum Antonium Burattum, & à
sinistris Cæmoniarum Magistrum genuflexos, stans profundæ
capitis inclinatione Pontificem adorauit: Aduocatus verò genu-
flexus adhuc, his verbis primò institit.

Beatissime Pater.

Reuerendissimus D. Cardinalis Columna hic præsens nomine
Catholicae Maiestatis Philippi Quarti Hispaniarum Regis in-
stanter petit per Sanctitatem Vestram Catalogo Sanctorum
Domini Nostri Iesu Christi adscribi, & tanquam Sanctum
ab omnibus Christi fidelibus, pronunciari, venerandum Beatum
Thomam de Villanova Ordinis Eremitarum S. Augustini, Ar-
chiepiscopum Valentini.

Cui Reuerendissimus Nerlius Breuium Principum secretis,
stans in sinistro latere Solij Pontificij, in hæc verba respondit:

Ingentes Diuinæ Clementiæ grates Sanctissimus Dominus
P No-

Noster agit, quod hac solemni die, qua veteri majorum instituto
laudamus viros glriosos, & Paretes nostros in generatione sua, possi-
mus etiam inclytum eorum semen, benedictiones, & hereditatem
sanctam in homine nostrae propemodum aetatis spectate resulgen-
tem admirari, et (si tribuerit Dominus) ijsdem Cœlestium hono-
rum religionibus, & Cæremonijs iure, & ex merito colere. Nam
profecto in Beato Thoma Archiepiscopo Valentino absque vlla
prorsus exceptione antiquis Patribus pari, si vñquam in alio,
Ipsorum pietates non defuerunt, semen eorum in testamentis stetit,
bona permanent, & gloria usque in æternum non derelinquetur.
Cæterum Beatas Sanctorum mentes Magnæ, Regalique illi Nu-
ptiarum Agni Cœnæ feliciter accubantes, et si benedictionibus
dulcedinis inebrians ubertas Domus Dei compleat, & largus Djui-
næ voluptatis Torrens inundat, tamen ex rerum quoquè nostrarum
directis in Deum rationibus, aliquid sanè iucunditatis,
& gaudij superfluenti cumulo accedit, & nonnullus est, qui
blandiente Charitate, cœlestes, ac beatos Spiritus attingat in-
suis laudibus religiosi studij, & piæ venerationis nostræ sensus,
& amor. Propitijs igitur, ac fuentibus ijs, quorum augendo
numero, & cultui solemnia hæc sacra celebrantur supplex ante
corpora Apostolorum Apostolicus Senatus, & populus vniuersus
iam procumbat, & adoret, ac roget Deum Excelsum in prece
usque dum perfectus sit honor Domini, & munus hoc suum Altissi-
mus ipse perficiat. Ita fieti, & me respondere iubet Sanctissimus
Dominus Noster cum publicis votis, tum præcipue pijs Catho-
lici Regis, & Ordinis Augustiniani postulatis clementer indulgens.

Post hæc Sanctissimus è solio ad faldistorium accessit coque
 ibidem genuflexo cum mitra, Cantores cedererunt Litanias
 Sanctorum, quibus absolutis, Sanctitas Sua ad solium rediit, & se-
 condò institit Aduocatus presentibus itidem Eminentiss. Co-
 lumna, & Cæremoniarum Magistro.

Bea-